

## 競爭事務委員會電台廣播劇

### 【打擊圍標 全城目標】

#### 第3集 -- 預防篇

由競爭事務委員會贊助播出

- 對白： 各位採購部嘅同事，今日要討論吓點樣防範圍標，  
公司請咗李 Sir 嚟講解一下！
- 對白： 大家好！
- 對白： 李 Sir，你接觸過咁多圍標個案，參與圍標嘅公司，有冇共通點架？
- 對白： 其實有架！大家可以留意下以下幾種情況：  
第一，唔同標書嘅文字同格式會好相似，連錯字都一樣，或者一齊計錯數，就相當有可疑！  
第二，勝出嘅公司每次會將工作分判俾落敗嘅公司！  
第三，有可疑的出價模式，例如喺同類嘅招標項目，同一間公司嘅出價時高時低！  
第四，最後一刻修改標書或突然唔參與嘅公司都相當有可疑！
- 對白： 但香港係一個自由地方，佢哋臨時唔入標都有計架！
- 對白： 無錯！但係負責招標嘅採購人員，可以訂立規則去防範圍標，例如每次招標都邀請多啲公司入標，愈多投標者，就愈難圍標。仲要防止入標嘅公司溝通，例如避免邀請佢哋同一時間出席簡介會。  
另外，亦都唔好喺招標項目度設立不必要嘅限制，盡量令多啲公司符合入標資格。
- 對白： 冇錯！我哋仲要規定入標嘅公司逐個項目報價，而唔係落一個總數！

仲要聘請誠信可靠嘅顧問嚟審查！

對白： 聘請顧問亦要提防佢哋同入標嘅公司有密切關係；如有需要，不妨考慮聘請第二個顧問審核下第一個顧問嘅建議。

對白： 我哋仲可以喺招標文件裡面加印警告字句，列明如有圍標，會送交競爭事務委員會調查！仲可以要求入標嘅公司簽承諾書，保證唔會參與圍標！

對白： 講得啱！ 謹慎處理招標，唔好俾啲不法份子有機會圍標！

對白： *(回音聲效)* 香港已經有《競爭條例》

競爭對手合謀圍標係犯法架！

負責招標嘅採購人員亦有責任維護公平競爭嘅精神，

有懷疑，請打 3462-2118 舉報！

對白： **【打擊圍標 全城目標】**，由競爭事務委員會贊助播出。